

Fylgiskjal 2

Stjórnarfundur KSÍ 13. desember 2018

Reglugerð KSÍ um knattspyrnuleikvanga. Tillaga að breytingu á greinum 9, 14 og 41.

Breytingar á grein 14.4 í reglugerð KSÍ um knattspyrnuleikvanga

Breytingar sem lagðar eru til eru **grænmerktar**.

Það sem lagt er til að falli út er **rauðmerkt** og **yfirstrikað**

Ákvæði 9 sem er svohljóðandi:

Grein 9 – Mörk og varamörk

- 9.1 Markstangir og þverslár verða að vera úr áli eða sambærilegu efni, og vera ávalar (hring- eða ellipsulaga). Þá verða þær að vera eins og lagt er fyrir um í knattspyrnulögunum, þ.e.
- fjarlægð milli þeirra skal vera 7,32 m,
 - fjarlægð frá neðri hlið þverslár til yfirborðs vallar skal vera 2,44 m,
 - markstengur og þverslá skulu vera hvítar, og
 - markstengur og þverslá mega ekki skapa neina hættu fyrir leikmenn.
- 9.2 Flokkar A, B og C.
Varamark verður að vera tiltækt á leikvanginum, sem er auðvelt að setja upp ef aðstæður krefjast þess.

verði svohljóðandi:

Grein 9 – Mörk og varamörk

- 9.1 Markstangir og þverslár verða að vera úr áli eða sambærilegu efni, og vera ávalar (hring- eða ellipsulaga). Þá verða þær að vera eins og lagt er fyrir um í knattspyrnulögunum, þ.e.
- fjarlægð milli þeirra skal vera 7,32 m,
 - fjarlægð frá neðri hlið þverslár til yfirborðs vallar skal vera 2,44 m,
 - markstengur og þverslá skulu vera hvítar, og
 - markstengur og þverslá mega ekki skapa neina hættu fyrir leikmenn.
- 9.2 Flokkar A, B og C:
Varamark verður að vera tiltækt á leikvanginum, sem er auðvelt að setja upp ef aðstæður krefjast þess.
- 9.3 **Reglugerðir UEFA gilda um mörk og varamörk á knattspyrnuvöllum sem leikið er á í keppnum á vegum UEFA. UEFA gerir kröfu um að markstangir og þverslár marka séu steyphtar/festar tryggilega við jörð. Engir viðbótarbyggingarþættir eða líkamlegur stuðningur mega vera til viðbótar markstöngum og þverslá inni í marknetinu eða í nánasta umhverfi. Sjá nánar í reglugerð UEFA.**

Greinargerð:

Um er að ræða breytingu sem unnin er af mannvirkjanefnd KSÍ. Breyting er tilkomin til upplýsinga svo skýrar sé kveðið á um þau skilyrði sem UEFA gerir til vallarmarka.

Breytingar á grein 14.4 í reglugerð KSÍ um knattspyrnuleikvanga

Breytingar sem lagðar eru til eru **grænmerktar**.

Það sem lagt er til að falli út er **rauðmerkt** og **yfirstrikað**

Ákvæði 14.4 sem er svohljóðandi:

14.4 Flokkar A, B og C:

Aðskilin búningsherbergi skulu vera á öllum leikvöngum. Þá skal og vera í þeim búnaður, sem dómari getur notað til þess að gefa liðum merki við upphaf hvors leikhluta.

- Búningsherbergi skal hafa rúmgóða búningsaðstöðu, fatahengi eða skápa fyrir a.m.k. 25 manns, og vera með sætispláss fyrir alla. Heppileg lausn er t.d. samnýting tveggja minni búningsklefa sitt hvoru megin við sturtuklefa, fyrir hvort lið.
- Innangengt skal vera á salerni úr búningsherbergi.
- Sturtuklefar skulu vera með a.m.k. fimm sturtuhausum, og tengdir búningsherbergjum.
- Þá skal gera ráð fyrir pláss fyrir nuddaðstöðu og töflu fyrir þjálfara.

Verði svohljóðandi:

14.4 Flokkar A, B og C:

Aðskilin búningsherbergi skulu vera á öllum leikvöngum. Þá skal og vera í þeim búnaður, sem dómari getur notað til þess að gefa liðum merki við upphaf hvors leikhluta.

- Búningsherbergi skal hafa rúmgóða búningsaðstöðu, fatahengi eða skápa fyrir a.m.k. 25 manns, og vera með sætispláss fyrir alla. Heppileg lausn er t.d. samnýting tveggja minni búningsklefa sitt hvoru megin við sturtuklefa, fyrir hvort lið. **Við nýframkvæmdir er gerð sú krafa, ef samnýta á tvo klefa, að stærri klefinn hafi rúmgóða búningsaðstöðu, fatahengi eða skápa fyrir a.m.k. 20 manns og minni klefinn hafi rúmgóða búningsaðstöðu, fatahengi eða skápa fyrir a.m.k. 15 manns.**
- Innangengt skal vera á salerni úr búningsherbergi.
- Sturtuklefar skulu vera með a.m.k. fimm sturtuhausum, og tengdir búningsherbergjum.
- Þá skal gera ráð fyrir pláss fyrir nuddaðstöðu og töflu fyrir þjálfara.

Greinargerð:

Um er að ræða breytingu sem unnin er af mannvirkjanefnd KSÍ. Breyting er tilkomin svo tryggt sé að leikmannahópi félaga geti verið vel komið fyrir í búningsherbergjum og þjálfari geti fundað með öllum leikmannahópi og aðstoðarmönnum á sama tíma í sama rými.

Breytingar á grein 41.2 í reglugerð KSÍ um knattspyrnuleikvanga

Breytingar sem lagðar eru til eru **grænmerktar**.

Það sem lagt er til að falli út er **rauðmerkt** og **yfirstrikað**

Ákvæði 41.2, sem er svohljóðandi:

41.2 Flokkur B: Ekki er gerð krafa um flóðljós á leikvangi sem er ætlaður fyrir keppni á vegum KSÍ meðan aðalkeppnistímabil innanlands (Íslandsmót og bikarkeppni) nær ekki yfir lengra tímabil en 1. maí – 10. október.

Ef leikvöllur er útbúinn með flóðljósum, og til sjónvarpsútsendingar kemur þarf nauðsynleg lýsing að ná lágmarki, sem getur ekki verið minna en 500 Ev (lux) fyrir fastar myndavélar og 300 Ev (Lux) gagnvart hreyfanlegum myndavélum, skv. samþykktum

framgangsmáta og með útgefni lýsingarvottun frá til þess bærum óháðum aðila. Ráðlagt er að reikna með viðhaldsstuðli 0,7. Jafnleiki lýsingar skal ekki vera minni en 0,5 fyrir E_{min}/E_{max} og 0,7 fyrir E_{min}/E_{av} . Litur lýsingar skal vera $>4000^{\circ}K$.

Til skýringar:

UEFA gerir eftirfarandi kröfur um flóðlýsingu, sem eru frá 800 Ev (Lux) og hærra. Að auki gerir UEFA kröfu um varaafsstöð. KSÍ gerir ekki ráð fyrir að vararafstöðvar séu til taks á Íslandi, nema að þess verði sérstaklega krafist af UEFA.

Viðhaldsstuðull 0,7 þýðir að uppsett lýsing þarf að vera 1,4 x kröfur ef gera á ráð fyrir rýrnun birtustigs með tímanum.

Krafa um jafnleika lýsingar er samsvarandi kröfum fyrir velli í Class II (League and clubs) skv. FIFA football stadiums - Technical recommendations and requirements.

Verði svohljóðandi:

41.2 Flokkur B: Ekki er gerð krafa um flóðljós á leikvangi sem er ætlaður fyrir keppni á vegum KSÍ. ~~meðan aðalkeppnistímabil innanlands (Íslandsmót og bikarkeppni) nær ekki yfir lengra tímabil en 1. maí — 10. október.~~

Ef leikvöllur er útbúinn með flóðljósum, og til sjónvarpsútsendingar kemur, þarf nauðsynleg lýsing að ná lágmarki ~~að vera sem getur ekki verið minna en~~ 500 Ev (lux), ~~skv. íslenskum staðal þar um (ÍST EN 12193:2007).~~ ~~fyrir fastar myndavélar og 300 Ev (Lux) gagnvart hreyfanlegum myndavélum, skv. samþykktum framgangsmáta og með útgefni lýsingarvottun frá til þess bærum óháðum aðila.~~ Ráðlagt er ~~að reikna með viðhaldsstuðli 0,7.~~ Jafnleiki lýsingar skal ekki vera minni en 0,5 fyrir E_{min}/E_{max} og 0,7 fyrir E_{min}/E_{av} . Litur lýsingar skal vera $>4000^{\circ}K$.

Reglugerðir UEFA gilda um flóðlýsingu á knattspyrnuvöllum sem leikið er á í keppnum á vegum UEFA.

UEFA gerir ~~eftirfarandi~~ kröfur um flóðlýsingu, sem eru frá 800 Ev (Lux) og hærra. ~~Að auki gerir UEFA kröfu um varaafsstöð. KSÍ gerir ekki ráð fyrir að vararafstöðvar séu til taks á Íslandi, nema að þess verði sérstaklega krafist af UEFA.~~

~~Til skýringar:~~

~~Viðhaldsstuðull 0,7 þýðir að uppsett lýsing þarf að vera 1,4 x kröfur ef gera á ráð fyrir rýrnun birtustigs með tímanum.~~

~~Krafa um jafnleika lýsingar er samsvarandi kröfum fyrir velli í Class II (League and clubs) skv. FIFA football stadiums — Technical recommendations and requirements.~~

Greinargerð:

Um er að ræða breytingu sem unnin er af mannvirkjanefnd KSÍ. Breyting er tilkomin til einföldunar og til upplýsinga. Einnig eru úreld tilmæli felld út. Með breytingum þessum er skýrar kveðið á um þau skilyrði sem UEFA gerir til flóðlýsingar á knattspyrnuvöllum í keppnum á vegum UEFA.